

На весьтын кодзувьяс оз кусны

1937 во бöрын Коми АССР-са гижысьяслön союз, сылön правление эз лоны. Правление пыддиыс лöсьöдöмаöсь сідз шусяна оргбюро. Сійöн веськöдлыны бöрйöмаöсь (лыдды — индöмаöсь) «тöрытья» студент Василий Юхнинöс. Пединститут бöрын недыр уджыштöма «Вөрлэдзысь» газетын. Редакцияс найöс индöмаöсь Митрук Яккöд öтлаын. Я.Рочевыс лоöма Луздор Васьлы начальникöн. Газет вöчысьсö öд зэв жö ёна чинтöмаöсь, и Митрук Якöс, Изьваас тайö уджсö тöдмалысьöс нин, индасны кывкутысь (ответственной) секретарöн — редактор бöрын, позьö шуны, мöд морт. Юхнинöс индöмаöсь «сöмын» öделöн веськöдлысьö.

Но писькöс вежöра Луздор Вась шензьöдана öдйö быдмас. Кадыс сэтшöм, «тшöктö». Тайö öтитор. А мöдторйыс — Луз юдорса зон вöлöмакö збылысь енбиа.

1938 воын сылön петöма «Динъельса вөрпункт» повесът, коми прозаын зэв тöдчанатор да тшöтш и гижысьсö ёна нимöдiс. Сійö жö воас В.В.Юхнинöс босьтöны СССР-са гижысьяс Союзö да индöны Коми республикаса гижысь Котыр оргбюроса юралысьöн.

...1938 вося октябр 15 лун. Сыктывкарö чукöртöмаöсь Коми АССР-са литературной актив. Кывзöны «Сöветскöй писательяс Союзса Оргбюролön удж йылысь öтчёт». (Сійöс сэсса дженьдöдöмön йöзöдöма «Ударникын», № 11—12).

Интереснö, но сэнi абу индöма, кодi вöчис (лыддис) доклад-öтчётсö. Позьö сöмын ылöсас шуны: лыддьöма Василий Юхнин. Быдöн йылысь, кодöс докладас казгыштöма, шуöма кутшöмкö да дон сетöмön. Нач öти гижысь (Луздор Вась) быттö кольöма шöрö-вийö, ошкытöг ни кулиттöг. Сы йылысь сöмын юöртöма, некыдзи донъявтöг, öнi пö «торъя книгаön лэдзö вөр промышленность социалистическöя сöвмöдöм йылысь повесът» да гижö пьеса.

Абу сьöкыд гөгöрвоны: тадзи вермис «донъявны» асьсö сöмын докладчик.

Бöръя кадас кызкö быттö казавтöг менö кутiс ёнджыка кыскыны пыр кежлö томön кольöм Александр Габов—Гриш Сашлön ним дiнö. Со мый шуöмаöсь сы йылысь 1938 вося октябр 15 лунас Коми АССР-са литературной актив заседание вылас:

«Мыйла Габов ньöжйö быдмö? Сійöн-ö, мый Габов, кызди сійö ачыс шуö, имеитö сöмын семилетной образование? Абу

сійон. Кыв шутөг, образование кутö ыджыд тöдчанлун, но морт быдмöмын тайö абу медся ыджыд препятствие. Колö велöдчыны быд лун. Миян нэмыс абу Обломовъяслөн нэм, а победитысь социалистическöй стрöительстволөн нэм. Велöдчö-ö Габов? Оз велöдчы. Та пыдди сылөн паныдасълöны юмъяс. Габовöс та вöсна неöтчыд вöтлывлісны удж вылысь, комсомолысь».

Татшöм кывъястö ме эськö нинöмысь эг вайöд öнiя лыддысьысьöдз, да нöшта фронт вылын усöм тайö енбиа том морт йывсьыс, эг кö тöд и мöдтор. Луздор Вась кызкö бур ног торйöдöма Гриш Сашсö комынöд воясын кыпöдчысь коми поэтъяс пöвстысь, радейтлöма сійöс. Тайö збыль!

Татшöм стрöга сійö сёрнитöма А.Г.Габов йылысь сы могысь, медым кутны том ёртсö ылалöм-торксялöмысь, мед велöдчискыпöдчис, быдмис. Оргбюроса председатель серти, Сашлөн та вылö ставыс пö эм. Мамыс став коланасö сетöма.

И збыль, тадз поэбö шуны весиг öти кывбур серти. Висер вожысь Сыктывкарö петöм зон сійöс гижöма Хасан ты дорын лоомторъяс бöрын. Гижöдыс шусьö «Пöрысь мам», тайö кывбура кузькодъ висът. Гашкö, баллада. Со юковтам сэтись кык строфа:

Сэн пызан вылын самöвар,
И ваис важөн дзулькйөн пуö.
И пöтöлöклань кайысь пар
Дзор мамлысь мөвпъяс ылöдз нуö,
Көн мича, ыджыд гажа кар,
Көн паськыд муис шудөн туö.

Мам ассьыс синсö уна пöв
Нин чöвтліс öдзöс вылö чöv.
Эз вештив мөвпсö письмö вылысь.
Öд письмö воис ылысь-ылысь,
Көн Краснöй Армияын пи,
Көн выльöн мунліс война би.

Ыджыд шог юөр дзор мамлы вайöма письмöйс...

А видзöдлöй снимок вылас. Аттö кутшöм кыпид кык зонлы, кык поэтлы! Налы кызь арöсөн. 1932 во. Некутшöм война йылысь мөвпъяс, некутшöм шог ни мог. Вель шыльыда тэчсьöны поэтической строкаяс. Водзын ставыс бур, югыд. Василий Елькин (Домна Вась — Иван Вась) гудöкалö. Орччөн пуксьöма да вашъялö Гриш Саш. Съыв да ов!

Сашсö Луздор Васьлөн стрöжитöм-ёсьтöдлöм — абу кö стрөг батълөн, то верстьöджык воклөн кывъяс. Казьтылöмабсь: абу кö пö А.Габов-комсомолецыс орччөн, Василий Васильевич чинтас гөлөссö да гусьөн моз шуас:

— Гриш Сашыд лоö ыджыд поэтөн, вот адзыланныд...

Эз вевъяв лоны ыджыд поэтнас Александр Габов. Сылөн весиг торъя сборник эз петав. Дай быдтор серти тöдчö, мый абу на и тэрмасьöма книгагастö лэдзны. Вильыш зон чайтис, пöди: ставыс на водзын. Да, эз кö ло мужикуловсö шырысь войнаыс, öнi ми, гашкö, шуим: вöлі Коми АССР-са народнöй поэт Александр Григорьевич Габов.

«О шуда му, тэ Рөдинаой менам!»— Василий Елькинлөн кывъясыс школасянь вөліны миян пельын да вежөрын. Ми, школьникъяс, нинөм эг төдлөй Александр Габовлысь. А коліс эськө! Кутшөм нө тайө шог виччысяна-дасытана кывъяс, шуштөм настроение?

Му вылө пуксис арся рыт,
И вылын кодзувъяс оз ворсны.
Блед төлысь, тарыт вуджан кыт?
Му вылө югөр кысянь коян?

Гриш Сашлөн кывбурын — «мам сьөлөм чорзис — лоис көрт. И водзө сэсся эз нин бөрд», да мамыс сетө мөд, ичөтджык пиыслы, ме эськө шуи, вывті чорыд наказ:

— Сувт сэтчө, сулаліс көн вок,
Ме тэныд немтор ог шу паныд.
И гортад бөрсө чөстьөн лок,
И пөрысь мамтө эн жө янөд.
Видз сюся шуда, гажа йөр,
Мед враглөн порсь нырыс оз төр.

А.Габов да В.Елькин весиг пөшти өти кадө усьөмаөсь.

Шензьөдана өткодь судьба, орчча воськовъяс сёлөн, сюрслөн, мильонъяслөн. Домна Вась абу ас кадө помалөма школасө, кызди гижөны, гөльлун вөсна. Гриш Саш сідз жө энөвтчөма Шойнатыса школа парта сайын пукалөмсыыс, мед уджавны да велөдчыны гижысыяс пөвстын.

Уджыштөма областной типографияын, а сэні өд уна во вөлөма литобъединение. Коркө сэсся сылы шуөмаөсь, тэныд пө колө гижан удж. Вуджөма Коми радиоө, уджалөма «Коми комсомол» газетын (пыр сорлалөны «Коми комсомолецөн», а тадзи газетыс кутіс шусьыны сөмын 1936 вося февральсянь). «За новый Север» газетын, буди, недыр вөлөма. Сэсся и вуджөма Сыктывдін районса газетө.

80 арөс тырөм водзвылас Владимир Безносииков коліс «Олөмсыыс серпасъяс», көні гижыштө тшөтш Семён Иванович вок йывсыыс:

«Біджыд войнаөдзыс вөлі Ыб сиктсөветын секретарөн. Сэсся индылісны Сыктывдін районса газетлөн редакторө. Нимыс газетыслөн — «Колхозник», секретаравліс редакцияс Иван Вавилин, литсотрудникавліс Гриш Саш».

Ме зэв көсйи «сэкса» Гриш Саш йывсыыс стөчмөдны мый позьө Владимир Ивановичлысь, гашкө, нөшта өтчыд аддзысьлөмөн, и гижи письмө. Но сёрми, либө колө шуны: бур ёртным тэрмасис мөдар югыдас. Вочакыв меным эз нин во, эг нин аддзысьлөй.

Александр Габов вөлөма на лыдын, кодъясөс война вылө нуөмаөсь пароходөн 1941 вося юль төлысьын (казьтылөмъяс сертиныс, 11 либө 13 лунө). Тайө пароходнас жө мунысыяс йылысь «Войвыв кодзулын» висьтавліс Геннадий Фёдоров:

«Ог вермы не казьтывны бур кылөн Висер сиктын чужлөм комсомолецөс, журналистөс да поэтөс — Александр Григорьевич Габовөс (Гриш Саш). Менам вежөрө сійө коліс, бытьтө

öni на син водзын, гажаа вашъялысь да нюмъялысь варов зон, кытчöкö тэрмасё котöртны. Уджалис сийö Коми радионын, сэсся «Коми комсомолец» газетын, сэсся и мунис война вылö. Сылысь кывбуръяс да поэмаяс тшöкыдакодъ позьö вöли лыддыны коми газетъясысь да «Ударник» журналысь.

Великöй Отечественнöй война пансян медводдза онас на Гриш Саш тышкасис немецко-фашистскöй оккупантъяслы паныд кöнкö Волховскöй фронт вылын да регыд и усис».

Тани эськö быть колö стöчмöдны: кытысь босьтисны фронт вылас А.Г.Габовöс?

«Литераторы земли Коми» словарь-справочникын (2000 во, лöсьöдысьыс В.И.Мартынов) гижöма, стöча кö, тадз: «Свои стихи, переводы... публиковал с 1930 года в журнале «Ударник», газете «Коми комсомолец». Пыр и колö лыддысьысьöс видзны ылöдлöмысь: 1930 воас эз на вöв индöм нима журналысь ни газетысь.

Кор усьöма Гриш Саш? Унджык авторыслөн — «коркö 1941 воын», эм и: «1942 воö уси...» Став татшöм «бöжыс» кыссьö, кызд ме тöда, этша пыдди 1985 восянь, кор петис «Вояс пыр, би пыр» книга (лöсьöдлис С.М.Морозов). Но эм öд и «Коми Республикалөн Паметь книга», кодлөн первой томас (1993 во, 479 л.б.) индöма, стöч юöртöг пö («без вести») вошöма 1941 вося октябрын.

Босьтöма А.Г.Габовöс фронт вылас Сыктывкарса горвоенкомат. Г.А.Фёдоровлөн казътывсьö юль 13 лун, Илья Пыстинлөн — юль 11 лун. Но морт паметьыд абу компьютернöй и (кыкнанныслөн) абу сэкся, 1941 вося гижöд, кодi вермис стöчджыкөн лоны. Гриш Саш абу на пöвстын, кодъясöс лыддыдлöма карса важ военкомат местаын Куслытöм би гөгöр чугуна палак-листъяс вылын. Эм сылөн нимыс «Паметь книгалөн» воддза томас, но мыйлакö абу Сыктывкарса военкомат пыр мобилизуйтöмъяс пöвстын.

Колö ошкыштны висерсаясöс (богородсксаясöс). Найö абу воштöмаöсь земляксö, суйöмаöсь чужан сикт-грездсыс война вылын усьöмаяс радö. А вермас лоны, мый Сюзяыб грездсаяслы юöртлис на Сашыслөн усьöм йылысь «похоронка» сертиыс том дöваыс, Анна Васильевна? Мукöд районсаяслы вылö стöчмöдам: Сюзяыб грездыс пырö Богородск сиктсöвет улö. «Журналисты-фронтвики Республики Коми» справочник (2007 во) дасьтысьяслы — тшöтш. А то найö зэв нин «стöча» веськалöмаöсь: А.Габов пö чужöма «в селе Вишера». Сэтшöм сиктсö картаяс вывсьыд эн корсьöй, сийö некор эз вöв и абу на öни кежлö.

Александр Григорьевич йылысь öнöдз — сы дыра! — абу шуöма нöшта öтигор. Кутшöм удж вылысь, кытысь босьтöмаöсь война вылас? Мöд ног кö — кытчö пуктыны сылысь нимсö? Öд колö, мед сылөн нимыс вöли пöгибнитöм журналистъясöс казътылан кутшöмкö пöв вылын. Сыктывкарса усьöм гижысьяс лыдын. Но А.Г.Габовöс абу пасйöма ни Телерадио, ни Печать керкаса фронтвикъяс пöвстын. Тайö кызкö вель важөн нин пырис менам синмö. Босьтчи корсьлыны, тöдмавны. Шыаси О.М.Разманова динö: сийö войнабыдсö уджалöма радиокомитетын. Юася, эз-ö сэтысь босьтны Гриш Сашöс воуйтысь нин

армияс. Ольга Мисаиловна пыр и шуис: «Эз!» Сэсса содтис, виччысыштлы пö, друг да вунöдi, ме найöс ставнысö öкүратнöя гижавлi. Списокыс, тыдалö, матын и вöлöма, здук мысти нин и юöртис: абу Гриш Сашыд, абу радиосянь мунöма.

Сiдзкö, Печать керкаысь. А мян сэни öшалысь пöвсö кийывсөн жö дасгылöмаöсь. Мыйла нö нин татшöмторъяд сiдзтадз, кикурöда босьтчыны?! Нёбдинса Виттор да Алексей Безносовых отсöгөн меным удайтчис сэгчö, списокас, суйны земляк, вöвлöм фотокор А.Ф.Пельмеговöс. Александр Феофилович вöлöма зэв сюсь вежöраөн. Вескöдлöма мян вöвлöм Горьковскöй сельсöветөн (Визинкöд орчча), бура снимайтчöма. Регыд ас сиктсаыс (Катыдпом грезд) бöрийöмаöсь сийöс, Пепил Öльöксанöс, колхозса предөн. Сийö сяммöма зэв öдийö кыпöдны овмössö. А.Пельмеговöс сэсса ыстылöмаöсь Войвыв крайса колхозник-ударникъяслөн слёт вылö. Сысянь — Москваö да Ивановскöй обласьтö, кодкöд Войвыв крайыс ордйысьöма. Шуи Нёбдинса Витторлөн отсöг йылысь. Делöыс сыын, мый колхозса юралысьлөн гортас бөр воом мысти Савин аддзöдлöма сийöс да гижöма «Пельмегов ёртлысь висьталöмъяс» («Вөрлэдзысь», 1934 во, май 22 лун). Но завидьтысь йöз лэптасны Пепил Öльöксан вылö быдсяма лöжсö. Сийöс вöтласны колхозса предьыд, и локтас уджавны фотокорөн «Вөрлэдзысь» издательствоö.

Мян земляклөн нимыс эм «Паметь книгалөн» I томын, Сыктивкарысь мобилизуйтöмъяс лыдын. Чужöма 1903 воö, мунöма фронт вылö 11.07.1941 воö (артмö, сийö пароходнас, мый йылысь фронтывыса дневникас гижö Илья Пыстин), усьöма 1944 вося арын нин Кенигсбергланьын — öния Калининградскöй обласьтын. Тайöс ставсö ме висьталi А.С.Безносовыхлы, сэки республикаса печать управлениеөн вескöдлысьлы, и сийö зэв öдийö гөгөрвоис коланасö.

Öни Александр Пельмеговлөн нимыс вель важөн нин Печать керка постi каянiнын öшалысь пöв вылын. Сыкöд орччөн, эска, колö пасйыны тшöттш Александр Габовöс.

Татчö зэв колана да вöзйысяна тшöттш шуны нин и И.Н.Габов — Иван Комсомольский йылысь. Псевдонимыс — «Коми комсомол» газетын уджалысьлөн, поэтлөн. Но Иван Габов олöмсö сиас армиялы, Чужан му дорйöмлы. «Коми комсомол» газет редакцияысь сийöс арлыд сертиыс босьтасны РККА радъясö. Сэсса вына, тöлка, сюсь красноармеецлы вöзъясны пырны военнöй училищеö. Сийöс помалöм бöрын — военно-политическöй академияö. Академия бöрас политрук Габов вескалöма служитны Украинаö (но абу граница вылö, кыдзи öткымынлаын гижöма). Кор Германия вуджöма сöветскöй граница, И.Габов вöлöма сысянь вель ылын, первойсö воуйтöма сöмын на немецкöй авиациякöд, сэсса дальнебойнöй артиллериякöд, сэсса асывыввлань пискöдчысь танкъяскöд... Училищеас велöдчигөн на ыстывлöма коми газетö гижöдъяс, на пиысь мем сюрлис лыддыны «Знамя дорын» репортаж. А война дырйиыс нин ыстывлöма, Марья Тихоновна гöтыр пырыс, «Вөрлэдзысь» гижöдъяс. Найöс тшöктöма сетны Н.П.Максимовлы, сэкся редакторлы: «...Эти заметки передай Максимову...» (Тайöс 1941 вося юль 31 лунö гижöма). Татшöм гижöдыс мем сюрли кык. Öтиыс, буракö, «Воздушнöй бой», мöдас — немецкöй танкъясöс

сувтöдöм йылысь висът. И öнi музейын эм Иван Николаевичлөн кызь кымын письмö, гижан кад серти медбөръяыс сентябр тöлысся.

* * *

Гриш Саш, сылы матыс арлыда зонъясыс — фронт вылын миянös медыджыд лёксыйс мездысыяс, сотан бисыйс тупкысь-видзысыяс, асланыс морöсөн сайöдысыяс, налөн паметыыс пыр дона да важ моз кыкö. Аддзи поэт Александр Габовлысь 1934 вося кывбура гижöд.

Гриш САШ

Надея збыльмö

1

Шонди. Жар.
Ырöдлö тöv.
Гыяс шöйтисны
Сю саридз кузя.
Ми пурысьöд тувччалам
Кыв шутöг — чöv.
А синъясным бокъясас
Дзоргисны сюся.

Öтарын му,
И мöдарын му.
Сывйыштны
Синъяс оз судзны.
Нöрысын —
Копрасьö розъялысь сю,
А öзынын —
Уска ид сильгö.

Сю саридз матушка,
Вайлы мем кыв!
Кön тэнад помыд?
Кытöнi шöрыд?
Неваж-на татшöма
Тövкöд эн сыв.
Неваж-на татшöма
Тövкöд эн гыась.

А талун со синлы
Оз тыдав пом.

Вөр бердөдз быттьөкө
 Пöльыштан öтчыд...
Тоньöйлөн сёрнитны
 Калькмуні вом,
А чужөм дзиб вывсьыс
 Нимкодълун тöдчис:

— Аддзан тэ, Öльöксан?
 Со гызьöма сю.
Кылан-ö кышöдчөм
 Кузь уска идлысь?
Веськыда саридз,—
 А абу нин му...
Шепъясыс — пудъяöсь,—
 Кинад көть видлы.

Со эстöні тöрыт на
 Нюжвидзліс бор,
Көн ситурун сөгъявліс —
 Ас муöс видзысь.
А талун со
 Öти му лоöма сёрд,
И помöдзыс синмыд
 Оз сидзав.

Ми тулыссянь нуöдім
 Вöвлытөм тыш:
Мед ыджыдсьыс-ыджыдöс
 Урожай босьтны.
Гöригөн-көдзигөн
 Мудзтыштліс мыш.
Мед шудлунлысь
 Öдзöссö восьтны.

И ме пытшкын
 Тыр вына надея эм:
Лунуджсö артавны
 Квайт кило няньөн,
И смелпырысь та йылысь
 Гарала тэн...
И сідзи жö гаралö
 Парторг — Миш Ваньö.

Кузь уска иданöй,
 Сьыв жö тэ, сьыв!
Тыр шепта саридзöй,
 Гыась жö, гыась!
Кор колхозник чукöстас —
 Збой вочакыв —
Ыджыд урожайөн тэ шыась!

Му весьтын —
 Сап пемыд вой.
 Енэжын —
 Кодзувъяс лыдтөм.
 Ме восьлала бор кузя...
 И друг кыла:— С-т-о-ой!..
 И пемыд пыр
 Вуджөртіс ружійо.

— Тоней друг,
 Эн мөй нө төд?
 Али нө вунөдін менө?
 Өд гусясьны татчө эг мөд,
 А видлыны тэнө.

 Миян сэк водзсасьліс ки
 Кывлывлөм, гөлөс шы
 Визувтны мөдіс:
 — Гожөмнас, буракө,
 Аддзысьлім ми,
 А талун нин
 Аддзысим мөдысь...

...Помнитан?
 Кажитчө, шуи тэд кыв:
 «Лунуджсө артала
 Квайт кило няньөн».
 А талун нин надейтчөм
 Лоома збыль.
 Збыльмис стөч горалөм
 Парторг Миш Ваньлөн.

Талун со төв улын
 Оз копрась сю.
 Уска ид төвкөд
 Оз сільгы.
 Вартөм нянь вөрөксө
 Враг мед эз гу —
 Синмөс моз мөдөдчи видзны.

 Квайт дас во корсьыси шуд:
 Посьсө и көдзыдсө
 Пыклөма мыйдтөм!
 Няньыд кө воліс
 Нелямын пуд
 Нель душа семьялы —
 Сійө нин уна!

Көм новлі —
 Бок вылө талялөм кок.

Паськөмөй —
Сё дөмаса дукөс.
Дашкө нө, чайтан тэ —
Вөвлі ме дыш?
Горт шөрө шондід
Некор эз сулыв!

Өні со паськөмөй ной.
Кок пыдди —
Пидзөсөдз сапөг.
Коркө моз
Кыдъя нянь Тоньой оз сөй!—
А пирөг да лапө.

Лунуджыс ме вылын
Кыксё нин эм.
Дай нөшта өд
Уна на босьта.
Ноко, вай артыштлы... мем —
Шудлунлөн өдзөсыс восьса!

Со кытчө вайөдіс
Нуөдөм кось,
Со кытчөдз вайөдіс
Көсйөм да надея.
А слаvasö —
Аслым ог босьт:
Өд ме эг вөч сійөс,—
А Ленинскөй партия.
Партия сетіс мем шуд
Да морт ногөн овны тыр права.
И куш өтнамы квайтымын пуд
Лунуджъяс вылө артавсө таво.

(«Вөрлэдзыс», 1934,
сентябрь 28 лун)

